

ՕԳՈՍՏՈՍԻ 24-Ը ՍԱՀՄԱՆԱԴՐՈՒԹՅԱՆ ՕՐՆ Է

ՎՐԱՍՏԱՆԸ ՆՇԵՑ ԵՐԿՐԻ ՍԱՀՄԱՆԱԴՐՈՒԹՅԱՆ ԸՆԴՈՒՆՄԱՆ 20-ՐԴ ՏԱՐԵԼԻՑԸ



Օգոստոսի 24-ին Վրաստանը նշեց երկրի սահմանադրության ընդունման 20-րդ տարեկիցը: Այդ օրվա առթիվ, Վրաստանի նախագահի շավաքարի նստավայրում անցկացվեց հանդիսավոր միջոցառում:

գույն եւ սահմանադրական դատարանների ղեկավարները, սահմանադրական մյուս ինստիտուտների ներկայացուցիչները, մշակութային գործիչներ, ՁԼՄ-ների, ազգային փոքրամասնությունների եւ կրոնական միավորումների, դիվանագիտական կորպուսի ներկայացուցիչները:

Ելույթ ունենալով միջոցառմանը, Վրաստանի նախագահ Գիորգի Մարգվելաշվիլին հայտարարեց, որ ինքը հանդես կգա օգոստոսի 24-ին, Սահմանադրության օրը ոչ շախտանքային օր հայտարարելու նախաձեռնությամբ: «Դա պատմական օր է եւ իրանից հետո մեր հասարակական-քաղաքական

(Շարունակությունը՝ 2-րդ էջում)

Միջոցառմանը մասնակցեցին Վրաստանի վարչապետ Իրակլի Դարիբաշվիլին, երկրի գործադիր եւ օրենսդիր բարձրագույն մարմնի անդամները, Գերա-

ՎՐԱՍՏԱՆ-ՆԱՏՕ

ՈՒՍՈՒՄՆԱՎԱՐԺԱՎԱՆ ԿԵՆՏՐՈՆ ՎՐԱՍՏԱՆՈՒՄ

«ԿԵՆՏՐՈՆԸ ՈՒՂՂՎԱԾ ԶԷ ՈՐԵՎԷ ԵՐԿՐԻ ՂԵՄ»



Օգոստոսի 27-28-ին պաշտոնական այցով Թբիլիսիում էր գտնվում ՆԱՏՕ-ի գլխավոր քարտուղար Ենա Ստոլտենբերգը:

ՆԱՏՕ-ի գլխավոր քարտուղար Ենա Ստոլտենբերգը եւ Վրաստանի վարչապետ Իրակլի Դարիբաշվիլին օգոստոսի 27-ին բացեցին այլապես հետ համատեղ ՆԱՏՕ-ի ուսումնավարական կենտրոնը: Իր խոսքում Վրաստանի վարչապետ Իրակլի Դարիբաշվիլին եւս մեկ անտուղար Ենա Ստոլտենբերգը եւս նշեց, որ այն ուղղված է որեւէ երկրի, այդ թվում Ռուսաստանի դեմ:

Բացման արարողությունը տեղի ունեցավ Թբիլիսիի մերձակա «Կրծանիս» ազգային ուսումնական կենտրոնում:

(Շարունակությունը՝ 2-րդ էջում)

ԿԱՌԱՎԱՐՈՒԹՅԱՆ ՆԻՍՏ

«ԼԱՐԻԻ ԿՈՒՐՍԸ ԱՆՊԱՅՄԱՆ ԿԿԱՅՈՒՆԱՆԱ»

Օգոստոսի 25-ին Վրաստանի վարչապետ Իրակլի Դարիբաշվիլին, կառավարության հերթական նիստում, հայտարարեց, որ ազգային տարադրամի փոխանակման կուրսի հետ կապված հարցը բացահայտ շահարկման թեմա է:

Վրաստանի վարչապետը բնակչությանը կոչ արեց խուճապի չմատնվել ազգային արժույթի՝ լարիի փոխարժեքի անկման պատճառով, նրա կարծիքով՝ երկրում առկա է «ակնհայտ շահարկումը»: Նա գործարարներին եւ երկրի բնակչությանը խորհուրդ տվեց չենթարկվել առանձին լրատվամիջոցների ու փորձագետների կողմից ստեղծված իրարանցմանը, եւ գործել միայն կառավարության ու երկրի ազգային բանկի կողմից տրված պաշտոնական տեղեկատվության հիման վրա: Վարչապետը էկոնոմիկայի եւ (Շարունակությունը՝ 3-րդ էջում)



կան տեղեկատվության հիման վրա: Վարչապետը էկոնոմիկայի եւ (Շարունակությունը՝ 3-րդ էջում)

ԴԻՐՔՈՐՈՇՈՒՄ

ՄԱԿ-ՈՒՄ ՎՐԱՍՏԱՆԸ ԿՆԵՐԿԱՅԱՑՎԻ ՎԱՐՉԱՊԵՏԻ ԳԼԽԱՎՈՐԱԾ ՊԱՏՎԻՐԱԿՈՒԹՅԱՄԲ

Ինչպես հայտարարեց Վրաստանի արտաքին գործերի նախարար Թամար Բերուշաշվիլին, ՄԱԿ-ի գլխավոր ասամբլեայում Վրաստանը կներկայացվի մեկ պատվիրակությամբ, որը կգլխավորի վարչապետ Իրակլի Դարիբաշվիլին:

Իսկ նախագահ Գիորգի Մարգվելաշվիլին կմասնակցի առանձին խորհրդատուներին: Նախարարի խոսքերով, հարցն արդեն համաձայնեցված է:

«Մենք արդեն անցել ենք գրանցման որոշակի ընթացակարգ: ՄԱԿ-

ում Վրաստանը կներկայացնի վարչապետը: Նա խոսքով հանդես կգա գլխավոր ասամբլեայի նիստում: Իրակլի Դարիբաշվիլին Վրաստանը կներկայացնի նաեւ մի շարք այլ միջոցառումներով, որոնք կանցկացվեն գլխավոր ասամբլեային

գուզահեռ: Նա կմասնակցի նաեւ բիզնես ֆորումին»,- հայտարարեց ԱԳ նախարարը՝ հավելելով, որ վարչապետը կմասնակցի եւ ելույթ կունենա նաեւ «Հազարամյակի մարտահրավեր» կորպորացիայի խորհրդատուներին:

Ինչ վերաբերում է երկրի նախագահի նյույորքյան այցելությանը, ապա, ինչպես նշեց Թամար Բե-

(Շարունակությունը՝ 3-րդ էջում)

ՏԱՐԵԼԻՑ

ՀԱՅԱՍՏԱՆԻ ԱՆԿԱԽՈՒԹՅԱՆ ՀՈՉԱԿԱԳԻՐԸ՝ 25 ՏԱՐԵԿԱՆ

Ուղիղ 25 տարի առաջ օգոստոսի 23-ին խորհրդային Հայաստանի քաղաքացիները պատմական որոշում կայացրեցին՝ անկախությունը ընտրելով որպես միակ հնարավոր կարգավիճակ եւ երկրի հետագա զարգացման անշեղ ուղի:



1990 թվականի օգոստոսի 23-ին Հայկական ԽՍՀ Գերագույն խորհրդի ընդունած Հայաստանի անկախության հռչակագիրը ոչ միայն իր անկախ պետությունը վերականգնելու հայ ժողովրդի դարավոր երազանքի արտահայտությունն էր, այլեւ՝ նրա երկու հատվածների՝ Հայաստանի ու Լեռնային Ղարաբաղի միավորման փաստացի իրողությանը իրավական տեսք տալու փորձ:

Անկախության հռչակագիրը հիմնվում էր Հայկական ԽՍՀ Գերագույն խորհրդի եւ Լեռնային Ղարաբաղի Գերագույն խորհրդի կողմից:

րաբաղի Ազգային խորհրդի 1989 թվականի դեկտեմբերի 1-ի «Հայկական ԽՍՀ եւ Լեռնային Ղարաբաղի վերամիավորման մասին» համատեղ որոշման վրա:

Հռչակագիրը բաղկացած է 12 կետից: Հռչակագրի ընդունումից շուրջ 1 տարի անց՝ 1991 թվականի սեպտեմբերի 21-ին Հայաստանում տեղի ունեցավ անկախության հանրաքվե, որի արդյունքում ձեւավորվեց Հայաստանի Երրորդ Հանրապետությունը:

ՎՐԱՍՏԱՆ-ՀԱՅԱՍՏԱՆ

ԿԱՏՈՐԱԳՐՎԻ ՀԱՍԱԳՈՐԾԱԿՑՈՒԹՅԱՆ ԽՈՐԱՑՄԱՆ ՆՈՐ ՀՈՒՇԱԳԻՐ

Օգոստոսի 25-ին Հայաստանի գլխավոր դատախազ Գեորգ Կոստանյանն աշխատանքային այցով գտնվում էր Վրաստանում: Թբիլիսիում կայացավ երկու երկրների գլխավոր դատախազներ Գիորգի Բաղաշվիլու եւ Գեորգ Կոստանյանի հանդիպումը:



Հանդիպմանը կոմեր ջննարկեցին երկու երկրների դատախազությունների միջեւ համագործակցության ընդլայնմանը, գործառույթների հստակեցմանն ու արդյունավետության բարձրացմանն ուղղված:

(Շարունակությունը՝ 2-րդ էջում)

ՎՐԱՍՏԱՆ

ՈՒՍՈՒՑԻՉՆԵՐԻ ԱՇԽԱՏԱՎԱՐՁԸ ԿԱՎԵԼԱՑՎԻ 14 ՏՈԿՈՍՈՎ

Ընթացիկ տարվա սեպտեմբերի 1-ից Վրաստանում դպրոցների մանկավարժների բազային աշխատավարձը կավելացվի 14 տոկոսով եւ կկազմի 355 լարի:

Այդ մասին հայտարարեց Վրաստանի կրթության եւ գիտության փոխնախարար Լիա Գիգաուրիին:

2015 թվականից կսկսվի ուսուցիչների մասնագիտական զարգացման եւ պաշտոնական առաջընթացի ներդրումը: Հետեւաբար, այդ սխեմայի շրջանակներում էլ կիրականացվի մանկավարժների աշխատավարձի ավելացումը: Կավելացվեն ինչպես բազային աշխատավարձը, այնպես էլ՝ հավելավճարները,- հայտարարեց փոխնախարարը: Այդ նպատակով Վրաստանի կրթության նախարարությունը հատկացրել է 19 միլիոն լարի: Բացի այդ, 2016 թվականի ապրիլի 1-ից ուսուցիչների աշխատավարձը կավելացվի եւս 50 լարիով եւ կկազմի 405 լարի:

Ուսուցիչների աշխատավարձի եւ հավելավճարի չափը կախված է նրանց որակավորումից, աշխատանքային ստաժից, ծանրաբեռնվածությունից, դասաժամերի քանակից, աշխատանքի յուրահատկությունից եւ դասարանի տեսակից:

«Օրինակ, ավագ ուսուցիչ կարգավիճակով մանկավարժի նվազագույն հավելավճարը լրիվ ծանրաբեռնվածության դեպքում (շաբաթական 18 ժամ) կկազմի 160 լարի»,- պարզաբանեց Լիա Գիգաուրիին:

Եթե մանկավարժը չի աշխատում լրիվ ծանրաբեռնվածությամբ, համեմատաբար կնվազի ինչպես աշխատավարձը, այնպես էլ՝ հավելավճարը: Ընդ որում, հավելավճարի կրճատումը չի վերաբերի դասողներին:

(Խորագրի շարունակությունը՝ 5-րդ էջում)

ՕԳՈՍՏՈՍԻ 24-Ը ՍԱՀՄԱՆԱԴՐՈՒԹՅԱՆ ՕՐՆ Է

ՎՐԱՍՏԱՆԸ ՆՇԵՑ ԵՐԿՐԻ ՍԱՀՄԱՆԱԴՐՈՒԹՅԱՆ ԸՆԴՈՒՆՄԱՆ 20-ՐԴ ՏԱՐԵԼԻՑԸ

(Սկիզբը՝ 1-ին էջում)

զարգացումն ընթանում է այս սահմանադրության շրջանակներում»,- հայտարարեց Գիորգի Մարգվելաշվիլին: Նրա խոսքերով, հարկ է ժողովրդականացնել Սահմանադրությունը եւ այդ գործընթացում պետք է ներգրավել հասարակայնությանը: Այդ նպատակին հասնելու համար նախագահին առաջարկեց անցկացնել մրցույթ՝ «Մեր Սահմանադրությունը» անվան ներքո:


Վրաստանի վարչապետ Իրակլի Դարիբաշվիլին, իր խոսքում հայտարարեց, որ գործադիր իշխանությունն ինտենսիվորեն շարունակում է աշխատանքը Սահմանադրության կատարելագործման ուղղությամբ: «Մեր նպատակն է կառուցել իրականում

ժողովրդավարական առաջադեմ եվրոպական տիպի պետություն, եւ մշակել մեր երկրին արժանի հիմնական օրենք: Հայտարարեց նաև, որ մեր կառավարությունը շատ բան է արել սահմանադրության պաշտպանությունն ապահովող ինստիտուտների ու ժողովրդական համար: Խոսքը վերաբերում է խորհրդարանին, նախագահի ինստիտուտին, դատարանին եւ ՁԼՄ-ներին: Այդ ինստիտուտները բացարձակապես ազատ են ցանկացած ազդեցությունից»,- հայտարարեց Իրակլի Դարիբաշվիլին:

Միջոցառմանը ելույթ ունեցան նաև Վրաստանի խորհրդարանի նախագահ Դավիթ Ուսուփաշվիլին, Սահմանադրական դատարանի նախագահ Գիորգի Պապուաշվիլին:

Վրաստանի Սահմանադրության 20-ամյա հոբելյանին նվիրված միջոցառմանը մասնակցեց Վրաստանում Հայաստանի արտակարգ եւ լիազոր դեսպան Յուրի Վարդանյանը: Կրոնական միավորումների ներկայացուցիչների թվում միջոցառմանը ներկա էր Վիրահայոց թեմի առաջնորդ Վազգեն եպիսկոպոս Միրզախանյանը:

Միջոցառմանը հրավիրված էին ու մասնակցեցին ծանրամարտում 1952 թվականի Օլիմպիական խաղերի չեմպիոն Ռաֆայել Չնչկյանը, բանաստեղծ-թարգմանիչ Գիվի Շահնազարը, Թբիլիսիի Պետրոս Ադամյանի անվան պետական դրամատիկական թատրոնի գեղարվեստական ղեկավար Արմեն Բայանդուրյանը, «Վրաստան» թերթի խմբագիր Վան Բայբուրդյանը:



ԱՄՆ-ԳԵՐՄԱՆԻԱ ՔՆՆԱՐԿԵԼ ԵՆ ՈՒԿՐԱԻՆԱՅԻ ԻՐԱԴՐՈՒԹՅՈՒՆԸ

Միացյալ Նահանգներն այն կարծիքին է, որ Ուկրաինայի կառավարությունը կատարում է Մինսկի համաձայնություններով ստանձնած իր պարտավորությունները եւ այդ գործընթացի մյուս մասնակիցները պետք է նույնն անեն: Այդ մասին հաղորդել է Սպիտակ տան մամուլի ծառայությունը՝ ամփոփելով ԱՄՆ-ի նախագահ Բարաք Օբամայի եւ Գերմանիայի կանցլեր Անգելա Մերկելի միջեւ կայացած հեռախոսազրույցի արդյունքները:

Բացի այդ, ԱՄՆ-ի նախագահը պաշտպանել է Գերմանիայի ջանքերը փախստականների խնդրի լուծման գործում, որոնք եվրոպա են հասել Աֆրիկայի երկրներից:

ԹՈՒՐԷԻԱ ԿԱՆՑԿԱՑԿԵԼ ԱՐՏԱՅԵՐԹ ԸՆՏՐՈՒԹՅՈՒՆՆԵՐ

Թուրքիայում արտահերթ խորհրդարանական ընտրությունները կանցկացվեն առաջիկա նոյեմբերի 1-ին: Այս մասին հայտարարել է Թուրքիայի նախագահ Ռեջեփ Թայյիբ Էրդողանը:

Բացի այդ, Էրդողանը հայտարարել է ժամանակավոր կառավարություն ստեղծվելու մասին: Նա ասել է, որ Թուրքիայի վարչապետ Ահմետ Ղալվաթոլուին կլինի ժամանակավոր կառավարություն ձեւավորել:

Հունիսի 7-ին տեղի ունեցած հերթական խորհրդարանական ընտրություններից հետո, որի արդյունքներով բավարար ըլնեց չստանալու պատճառով իշխող «Արդարություն եւ զարգացում» կուսակցությունը (ԱԶԿ) կորցրել էր միանձնյա կառավարություն ձեւավորելու իրավունքը, ԱԶԿ առաջնորդ Ղալվաթոլուին չէր հաջողվել կապիցիա կազմել խորհրդարան անցած երեք ընդդիմադիր կուսակցություններից ոչ մեկի հետ:

ՀՈՒՆԱՍՏԱՆ ԿՈՒԼԻՑԻՈՆ ԿԱՌԱՎԱՐՈՒԹՅԱՆ ԶԵՎԱՎՈՐՈՒՄԸ ԲԱՑԱՌՎՈՒՄ Է

Հունաստանի վարչապետ Ալեքսիս Ցիպրասը, որն անցած շաբաթ հայտարարել է իր պաշտոնաթողության մասին, բացառել է ազգային միասնության կառավարություն կազմելու հնարավորությունը, եթե իր կուսակցությունը բացարձակ մեծամասնություն չստանա առաջիկա խորհրդարանական ընտրություններում: «Եթե մենք մեծամասնություն չունենանք, ես չեմ համագործակցի այն կուսակցությունների հետ, որոնք ղեկավարում էին նախորդ կառավարությունը», ասաց Ցիպրասը:

Իր կուսակցության պառակտման կապակցությամբ Ցիպրասը հայտարարեց, որ «վշտացած է այդ քաղաքացիական պատերազմից»: Նա մեկ անգամ եւս ընդգծել է, որ Հունաստանի ֆինանսական օգնության վերաբերյալ որոշումն ընդունելը դժվար էր, բայց անհրաժեշտ: «Եվրոգոտուց Հունաստանի դուրս գալը տնտեսական աղետ կլինի», - նշեց նա:

ԵՎՐԱՍԻՈՒԹՅՈՒՆ ՄԻԳՐԱՑԻՈՆ ՔԱՂԱՔԱՎԱՆՈՒԹՅՈՒՆԸ ԶԻ ԳՈՐԾՈՒՄ

Միգրանտների իրավունքների հարցով ՄԱԿ-ի հատուկ գեներալ Ֆրանսուա Կրեպոն քննադատության է ենթարկել Եվրոպայում ներկայիս միգրացիոն ճգնաժամի հարթահարման նպատակով Եվրամիություն կողմից ձեռնարկվող քայլերը՝ ընդգծելով, որ այդ միջոցները «չեն գործում»: Ժնևում տարածված հայտարարության մեջ նա Եվրամիությանը կոչ է արել այս բնագավառում մշակել «մարդու իրավունքների վրա հիմնված, համաձայնեցված եւ համապարփակ քաղաքականություն»:

Հատուկ գեներալը ընդգծել է, որ տարածքային ինքնիշխանությունը բնավ չի նշանակում, թե սահմանները «պետք է կողպեցվել փակվեն միգրանտների առջեւ»: Հիմնախնդրի լուծումը, նրա կարծիքով, Եվրամիությունը պետք է որոնի՝ «միգրանտներին եւ ապաստան հայցողներին տրամադրելով Եվրոպա մուտքի եւ մնալու պաշտոնական ուղիներ»:

ՎՐԱՍՏԱՆ-ՆԱՏՕ ՈՒՄՈՒՄԱՎԱՐԺԱՎԱՆ ԿԵՆՏՐՈՆ ՎՐԱՍՏԱՆՈՒՄ

(Սկիզբը՝ 1-ին էջում)

կենտրոնի տարածքում: Միջոցառմանը ներկա էին Վրաստանի նախագահ Գիորգի Մարգվելաշվիլին՝ որպես զինված ուժերի գերագույն գլխավոր հրամանատար, Վրաստանի օրենսդիր եւ գործադիր իշխանությունների բարձրաստիճան ներկայացուցիչներ, ինչպես նաև Հյուսիսատլանտյան դաշինքի ներկայա-

ցուցիչներ եւ վրացի զինծառայողներ:

Վրաստանում ՆԱՏՕ-ի ուսումնական կենտրոնը բացվել է այն միջոցառումների փաթեթի շրջանակներում, որոնք աջակցում են դաշինքին անդամակցելու Վրաստանի ձգտմանը: Փաթեթը 2014 թվականի սեպտեմբերին հաստատվել է դաշինքի՝ Ուելսի գաղթաթափուկի ընթացքում: Կենտրոնում պատրաստու-

թյուն են անցնելու ՆԱՏՕ-ի եւ դաշինքի գործընկեր երկրների զինծառայողները:

Այցի շրջանակներում ալյանսի բարձրաստիճան հյուրը հանդիպումներ ունեցան Վրաստանի նախագահ Գիորգի Մարգվելաշվիլին, վարչապետ Իրակլի Դարիբաշվիլին, պաշտպանության նախարար Թիմոս Խիզաշելու, արտաքին գործերի նախարար Թամար Բերուցաշվիլին հետ:

Կայացած հանդիպումներում քննարկվեցին դաշինքին Վրաստանի ինտեգրացման գործընթացը եւ այդ ուղղությամբ պլանավորված քայլերը, ինչպես նաև՝ ՆԱՏՕ-ի վարչավայի զագաթաժողովի նախապատրաստման գործընթացը, տարածաշրջանային անվտանգության եւ Աֆղանստանում ՆԱՏՕ-ի առաքելությանը վրացի զինծառայողների մասնակցության հարցերը:

ՂԻՄԱՎԱՅՈՒԹՅԱՆ ԳՈՏԻ

ՎՐԱՍՏԱՆԸ ԲՈՂՈՔԱՐԿՈՒՄ Է ԱՐԽԱԶԱԿԱՆ ԵՐՎԱԹՈՒՂՈՒ ՎԵՐԱԿԱՆԳՆՈՒՄԸ



Վրաստանի արտաքին գործերի նախարարությունը դատապարտում է Վրացական երկաթուղու արխազական տեղամասի վերականգնումը եւ Ռուսաստանից պահանջում է դադարեցնել այդ անօրինական գործողությունները:

Վրաստանի արտաքին քաղաքական գերատեսչությունը դատապարտել է «Սոսկվայի հերթական ագրեսիվ եւ սադրիչ գործողությունը» եւ կոչ է արել կանգնեցնել «անօրինական գործողությունը» Աբխազիայի տարածքում:

ԱԳՆ-ը կոչ է անում միջազգային հանրակցությանը՝ միջոցներ ձեռնարկել «անօրինական քաղաքականության կապակցությամբ, որն ուղղված է Վրաստանի ինքնիշխանության եւ տարածքային ամբողջականության դեմ»:

Մոսկվայի գործողությունների դատապարտմամբ հանդես եկավ նաև Վրաս-

տանի վարչապետի՝ Ռուսաստանի հետ հարաբերությունների կարգավորման հարցերով հատուկ ներկայացուցիչ Ջուրաբ Աբաշիձեն: Նա ասել է, որ Վրաստանի համար Օչամչիրա-Ինգուրի երկաթգծի վերականգնման նպատակով Աբխազիայում սկսված աշխատանքները:

Նրա խոսքով, Թբիլիսին Ռուսաստանի հետ բանակցություններ չի վարում Աբխազիայի տարածքով երկաթուղային հաղորդակցության վերականգնման շուրջ: «Այդ թեման մենք չենք քննարկել ո՛չ Պրահայի ձեռագրով, ո՛չ էլ այլ վայրում», - հայտարարել է Աբաշիձեն:

ՌՈՒՄԱՍՏԱՆԸ ՀԵՐԹԱՎԱՆ ԱՆԳԱՄ ԽԱԽՏԵՑ ՕՂԱՅԻՆ ՏԱՐԱԾՔԸ

Վրաստանի արտաքին գործերի նախարարությունը բողոք է հայտնել Ցիխնվալիի տարածաշրջանի հետ սահմանի շրջանում ռուսական ռազմական ուղղաթիռի կողմից Վրաստանի օդային տարածությունը խախտելու մեջ:

Վրաստանի արտաքին քաղաքական գերատեսչությունում գտնում են, որ ՌԴ-ի այրօրինակ գործողությունները «սադրիչ բնույթ են կրում եւ սպառնալիք են ստեղծում տարածաշրջանում անվտանգության ու կայունության պահպանմանը» եւ միջազգային հանրությանը կոչ անում համապատասխան զննահատական տալ Ռուսաստանի գործողություններին, որոնք ուղղված են Վրաստանի ինքնիշխանության եւ տարածքային ամբողջականության դեմ:

Նշենք, որ օգոստոսի 17-ին Ռուսաստանի Հարավային ռազմական օկրուգում մեկնարկել են խոշորամասշտաբ զորավարժություններ, որոնք անցկացվում են նաև Աբխազիայում ու Ցիխնվալիի շրջանում: Վրաստանի ԱԳՆ-ը նկատել է, որ, բացի զորավարժություններից, Ռուսաստանը շարունակում է խախտել Վրաս-

տանի վերահսկած օդային տիրույթը:

«Ռուսաստանի նմանատիպ գործողությունները կրում են սադրիչ բնույթ եւ սպառնալիք են ստեղծում կայունության ու անվտանգության պահպանման համար: ԱԳՆ-ը Ռուսաստանից պահանջում է հարգել միջազգային իրավունքի հիմնարար սկզբունքները, կատարել ստանձնած պարտավորությունները, այդ թվում նաև 2008 թվականի օգոստոսի 12-ին կնքված հրադադարի վերաբերյալ համաձայնագրի պայմանները եւ ապաստանապահանջները»,- ասված է գերատեսչության կոչում:

Հիշեցնենք, որ Վրաստանի նախագահ Գիորգի Մարգվելաշվիլին, իր հերթին մտահոգություն էր հայտնել Ռուսաստանի սկսած մասշտաբային զորավարժությունների կապակցությամբ:

ՎՐԱՍՏԱՆ-ՀԱՅԱՍՏԱՆ

ԿՍՏՈՐԱԳՐՎԻ ՀԱՄԱԳՈՐԾԱԿՈՒԹՅԱՆ ԽՈՐԱՅՄԱՆ ՆՈՐ ՀՈՒՇԱԳԻՐ

(Սկիզբը՝ 1-ին էջում)

ված հարցերի լայն շրջանակ: Մասնավորապես, կարեւորվեց Վրաստանում Հայաստանի քաղաքացիների եւ Հայաստանում Վրաստանի քաղաքացիների կողմից կատարված համագործակցությունների բացահայտման, հետախուզվողների հանձնման եւ, որ ամենկարեւորն է, հանցագործությունների կանխման ուղղությամբ համագործակցությունը, ինչը վերջին տարիներին բավա-

կան արդյունավետ է իրականացվում: Երկուստեք կարեւորվեցին մաքսային ոլորտում առկա սերտ համագործակցությունը, որի արդյունավետությունն ակնհայտ է:

Երկու երկրների գլխավոր դատախազներն ընդգծեցին նոր՝ առավել հստակ համագործակցության հնարավորությունը՝ ընդձեռող հուշագիր ստորագրելու անհրաժեշտությունը:

Գետրգ Կոստանյանը շնորհակալություն հայտնեց Վրաստանի գլխավոր դատախազ

Գիորգի Բաղաշվիլուն ջերմ ընդունելության եւ արդյունավետ քննարկումների համար ու իր վրաց գործընկերոջը պատասխան այցով հրավիրեց Հայաստան:

Նշենք, որ Հայաստանի գլխավոր դատախազի գլխավորած պատվիրակությունը Թբիլիսիից մեկնեց Աստանա, որտեղ մասնակցեց օգոստոսի 27-ին անկացված «ԱՊՀ անդամ պետությունների գլխավոր դատախազների կողմից հանդիպումի» հերթական նիստին:

Շարաքից շարաք. Փաստեր եւ իրադարձություններ

ՀԱՂՈՐԳՈՒԾ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԿԱՌԱՎԱՐՈՒԹՅԱՆ ՆԻՍՏ

«ԼԱՐԻԻ ԿՈՒՐՍԸ ԱՆՊԱՅՄԱՆ ԿԿԱՅՈՒՆԱՆԱ»


(Սկիզբը՝ 1-ին էջում)

Ֆինանսների նախարարներին հանձնարարեց բացատրություններ ներկայացնել լարիի կուրսի փոփոխությունների կապակցությամբ: «Այնքան է բացահայտ շահարկումն ու ափսոսանք: Ցանկանում եմ կոչ անել բնակչությանը՝ չենթարկվել հոգեբանական-հոլոգրամային ափսոսանքի, քանի որ կա այն բանի մեծ հավանականությունը, որ եթե մարդիկ ենթարկվեն դրան, ապա ավելի շատ կկորցնեն, քան կշահեն: Գլխավորը հանգստություն պահպանելն է: Մեր էկոնոմիկայում, մակրոէկոնոմիկայում առանձնակի ոչինչ չի կատարվում, ընդհակառակը՝ մենք ունենք ներկա փուլը հաղթահարելու լուրջ հնարավորություն»,- հայտարարեց Ղարիբաշվիլին եւ հավելեց, որ երկրից արդեն դուրս է բերվել առնվազն 330 միլիոն դոլար, վերացվել է ներկրման ու արտահանման միջեւ տարբերությունը եւ, ներկա դրությամբ, հիմնարար հիմնախնդիրներ չկան:

Իր հերթին, Վրաստանի ֆինանսների նախարար Նոդար Խաղոլիին հավաստիացրեց, որ լարիի կուրսը անպայման կկայունանա: Նախարարի խոսքերով, պետությունից կողմից իրականացված գործողությունների արդյունքում, հունվար-հուլիս ամիսներին երկիր է մուտք գործել բյուջետային վարկերի ֆինանսավորումից 81 միլիոնից ավելի բյուջետային օգնություն: «Դա ներդրումային վարկերին չի վերաբերում, որոնք Վրաստանն ստանում է ենթակառուցների զարգացման ուղղություններով»,- հայտարարեց Նոդար Խաղոլիին:

Թյունը լարիի փոխարժեքի անկման պատճառով հայտարարել է 2015 թվականին տնտեսական աճի կանխատեսման վերանայման մասին եւ այն 5 տոկոսից նվազեցրել մինչեւ 2 տոկոս: Կառավարությունը նաեւ հակաճգնաժամային պլան է ներկայացրել օտարերկրյա ներդրումների ներգրավման համար: Երկրի գործադիր իշխանությունը վերջերս հայտարարեց, որ լարիի հետագա արժեզրկումը կանխելու համար կօգտագործվեն լրացուցիչ պահուստներ:

Ավելացնենք, որ ամառային սեզոնի սկսվելուց հետո լարիի փոխարժեքը, իրոք, կայունացել էր, բայց զգալի անկումը վերսկսվեց հուլիսի 14-ից, երբ դոլարի նկատմամբ լարիի փոխարժեքը կազմեց 2,25, օգոստոսի 7-ին փոխարժեքը հասավ 2,30-ի: Վրաստանի ազգային բանկը օգոստոսի 25-ին դոլարի նկատմամբ լարիի փոխարժեքը սահմանեց 2,3640 լարիի չափով, իսկ հաջորդ օրը լարի-դոլար հարաբերակցությունը գերազանցեց 2,4-ի մակարդակը:



ՎԱՐՉԱՊԵՏԸ ՏԱԲԱԾՂՈՒՐԻՈՒՄ



Վրաստանի վարչապետ Իրակլի Ղարիբաշվիլին չի գնա արձակուրդ, քանի որ ունի մեծածավալ անելիքներ: Այդ մասին հայտնել է Վրաստանի կառավարության մամուլի ծառայության աշխատակից Սանանա Թոքմաչիշվիլին:

Նա հայտարարել է, որ Վրաստանի վարչապետն աշխատանքային ծանր գրաֆիկի պատճառով հրաժարվել է արձակուրդ մեկնելուց: «Նախորդ տարի վարչապետը նույնպես արձակուրդ չի գնացել»: Ղարիբաշվիլին անցած հանգստյան օրերն ավագ որդիների հետ անցկացրել է Բորժոմիի շրջանի Տաբաթոլուրիի լեռնային լճի մոտ:

ԼՐՏԱՎԱՐՈՒԹՅԱՆ ԾԱՎԱԼՆԵՐԸ ՄԵԾԱՆՈՒՄ ԵՆ

Վերջին տարիներին Վրաստանից հեռացած քաղաքացիների թիվը կազմում է 1 միլիոն 600 հազար մարդ: Այդ թվից 800 հազարը մեկնել է Ռուսաստան: Նրանցից 286 հազարն արդեն ընդունել է Ռուսաստանի քաղաքացիությունը: «Ռեզոնանսի» թերթի տվյալների համաձայն, արտագաղթի առումով երկրորդ տեղում Չինաստանն է (250 հազար մարդ), երրորդը՝ Ուկրաինան (150 հազար): Երկրի քաղաքացիների արտագաղթը նշանակալից է նաեւ Թուրքիայում (100 հազար), ԱՄՆ-ում (80 հազար), Ադրբեջանում (35 հազար) եւ Իսպանիայում (30 հազար):

Չատկանշական է, որ մեկնածուներից ավելի մեծ զումարներ Վրաստան առաքում են Ռուսաստանում հիմնավորվածները: Ընթացիկ տարվա հունվար-մայիս ամիսներին Ռուսաստանից Վրաստան է փոխանցվել 163 միլիոն դոլար, ինչը կազմել է ընդհանուր փոխանցումների 37,7 տոկոսը: Վերոնշյալ ժամանակահատվածում Չինաստանից փոխանցվել է 68,8 միլիոն դոլար, իսկ Իտալիայից՝ 43,2 միլիոն դոլար:

ՏԱՆԿԱՐՇԱՎԱՐԱՆ ԹԲԻԼԻՍԻՈՒՄ

Տանկարշավարան է բացվել Թբիլիսիից ոչ հեռու՝ Վազիանիի ռազմակայանում: Այդ մասին տեղեկացրել է Վրաստանի պաշտպանության նախարարության մամուլի ծառայությունը:

«Վազիանիում այդ տանկարշավարանը եւ շատ այլ բաներ կլինեն Չամատեղ գործարժանքների եւ զնահատման կենտրոնի (ՆԱՏՕ-ի վարժանքների կենտրոն) բաղկացուցիչ մասը, որը կբացվի այս ամսվա վերջին»,- տանկարշավարանի բացման ժամանակ հայտարարեց Վրաստանի պաշտպանության նախարար Թիմոթիմ Խիդաշելին:

Տանկարշավարանում վարժանքներ կանցկացվեն թրթուրավոր տեխնիկայի մեխանիկավարողների եւ անձնակազմերի հրամանատարների համար: Այդ նպատակով, տանկարշավարանի ամբողջ տարածքում կանոնավոր կատարվեն մարտական պայմաններին մոտեցված արժեքներ, նշել է պաշտպանական գերատեսչությունը: Տանկարշավարանի բացման առթիվ Վազիանիում տեղի են ունեցել ցուցադրական տանկային վարժանքներ:

ԴԻՐՔՈՐՈՇՈՒՄ

ՄԱԿ-ՈՒՄ ՎՐԱՍՏԱՆԸ ԿՆԵՐԿԱՅԱՑՎԻ ՎԱՐՉԱՊԵՏԻ ԳԼԽԱՎՈՐԱԾ ՊԱՏՎԻՐԱԿՈՒԹՅԱՄԲ

(Սկիզբը՝ 1-ին էջում)

Ռուչաշվիլին, Գիորգի Մարգվելաշվիլին կմասնակցի գեներալային հարցերով խորհրդածուղովին եւ կանցկացնի մի շարք երկկողմ հանդիպումներ:

«Կրկին անգամ ընդգծում եմ, որ Վրաստանը ՄԱԿ-ում կներկայացվի վարչապետի գլխա-

վորած մի պատվիրակությամբ, իսկ նախագահը կմասնակցի հատուկ թեմաներին նվիրված մի շարք միջոցառումներին»,- հայտարարեց Վրաստանի ԱԳ նախարարը:

Ինչպես հայտարարեց Վրաստանի ազգային անվտանգության խորհրդի քարտուղար Իրինա Իմերիշվիլին, Վրաստանի

նախագահ Գիորգի Մարգվելաշվիլին մի շարք հանդիպումներ կանցկացնի Նյու Յորքում, ապա կուղևորվի Վաշինգտոն:

Ինչպես արդեն հաղորդել ենք, Վրաստանի նախագահը Լիտվայի նախագահից ստացել է այդ երկրի կողմից Նյու Յորքում անցկացվող միջոցառմանը մասնակցելու հրավեր:

Այդ միջոցառումը չի անցկացվում ՄԱԿ-ի հովանու ներքո, ուղղակի ժամանակի առումով դրանք համընկան: Նախագահը երկու օր կանցկացնի Նյու Յորքում, կունենա հանդիպումներ, ապա կուղևորվի Վաշինգտոն»,- հայտարարեց ազգային անվտանգության խորհրդի քարտուղարը:

ՀԱՄԱԳՈՐԾԱԿՑՈՒԹՅՈՒՆ

ՆԵՐԴՐՈՒՄԱՅԻՆ ՆԱԽԱԳԾԵՐ ՎՐԱՍՏԱՆՈՒՄ

Վրաստանում ենթակառուցային ներդրումների Ասիական բանկի (ԱԻԲ) հիմնադիր երկրների գլխավոր բանակցողների վեցերորդ հանդիպման շրջանակներում, օգոստոսի 25-ին Վրաստանի վարչապետ Իրակլի Ղարիբաշվիլին հանդիպում ունեցավ ենթակառուցային ներդրումների Ասիական բանկի (ԱԻԲ) նախագահ Ջին Լիկունիի գլխավորած պատվիրակության հետ: Հանդիպմանը քննարկվեցին բանկի հետ համագործակցության հեռանկարներին, բանկի կողմից ֆինանսավորվող ծրագրերի իրականացման հետ առնչվող հարցեր:



Հանդիպմանը Վրաստանի ֆինանսների նախարարը մանրամասն տեղեկատվություն հաղորդեց Վրաստանում իրականացվող ենթակառուցային նախագծերի, ինչպես նաեւ երկրում դոնոր կազմակերպությունների կողմից ֆինանսավորվող նախագծերի մասին:

Վրաստանի ֆինանսների նախարար Նոդար Խաղոլուրու եւ ենթակառուցային ներդրումների Ասիական բանկի (ԱԻԲ) գլխավոր քարտուղար Ջոն Լիկունիի հանդիպմանը կողմերը քննարկեցին ԱԻԲ-ի հետ Վրաստանի համագործակցության հետ առնչվող հարցեր, նշվեց, որ Վրաստանն այն առաջին երկրների թվում է, որտեղ անմիջականորեն բանկի ֆինանսավորմամբ, ֆինանսավորվում են ներդրումային նախագծեր, որոնք նշանակալից են ոչ միայն Վրաստանի, այլեւ՝ ընդհանրապես տարա-

ծաշրջանի համար: Նոդար Խաղոլուրին ԱԻԲ-ի գլխավոր քարտուղարին մանրամասն տեղեկություններ հաղորդեց տարածաշրջանում եւ Վրաստանում ստեղծված տնտեսական իրավիճակի, նաեւ երկրում առկա բիզնես միջավայրի ու ներդրումային հնարավորությունների մասին: Ֆինանսների նախարարը հավաստիացրեց, որ Վրաստանն ակտիվորեն կներգրավվի ենթակառուցային ներդրումների Ասիական բանկի գործունեությանը:

ԽՈՐՀՐԴԱՐԱՆԱԿԱՆ ԿԱՊԵՐ

ՎՐԱՍՏԱՆԻ ԽՈՐՀՐԴԱՐԱՆԱԿԱՆ ՊԱՏՎԻՐԱԿՈՒԹՅՈՒՆԸ ԻՐԱՆՈՒՄ



Այցի շրջանակներում վրաց խորհրդարանականները հանդիպում ունեցան Իրանի խորհրդարանի (մեջլիսի) նախագահ Ալի Լարիջանայի, մեջլիսի Վրաստանի հետ բարեկամության խմբի ղեկավար դոկտոր Դոսեյին Մուսաեզին Սարդրիի, Իրանի արտաքին գործերի առաջին փոխնախարարի, Իրանի Իսլամական Հանրապետության մշակութային ժառանգության

եւ ժողովրդական արհեստի հարցերով փոխնախագահ Մասուդ Սոլթանիփարի, մեջլիսի արտաքին եւ անվտանգության կոմիտեի նախագահ Թանալեթի Բարոուզեթի, օրենսդիր եւ գործադիր մարմինների այլ ներկայացուցիչների հետ:

Իրանի մեջլիսում խորհրդարանի նախագահի հետ հանդիպմանը կողմերը քննարկեցին երկու երկրների միջեւ առ-

Օգոստոսի 8-9-ին Վրաստանի խորհրդարանական պատվիրակությունը օրենսդիր մարմնի փոխխոսնակ Գուրբազ Սամիկիձեի գլխավորությամբ աշխատանքային այցով գտնվում էր Իրանի Իսլամական Հանրապետությունում:

Կա հարաբերությունները, տարբեր ուղորտներում համագործակցության զարգացման հեռանկարները ու տարածաշրջանային անվտանգության հարցերը: Հանդիպմանը մեջլիսի նախագահ Ալի Լարիջանին հավաստեց Վրաստանի անկախության եւ տարածքային ամբողջականության աջակցությամբ Իրանի դիրքորոշումը:


Իր հերթին, Վրաստանի խորհրդարանի փոխխոսնակ Գուրբազ Սամիկիձեն մեջլիսի նախագահին շնորհակալություն հայտնեց հրավերի եւ հանդիպման համար: Նա վերջինիս շնորհավորեց նաեւ Իրանի միջուկային

ծրագրի կապակցությամբ բանակցությունների հաջող ավարտման առթիվ:

Այցի շրջանակներում Իրանում Վրաստանի դեսպանության կազմակերպմամբ անցկացվեց ռուս-վրացական պատերազմի յոթերորդ տարեկիցին նվիրված լուսանկարների ցուցահանդես:

Վրաստանի խորհրդարանի փոխխոսնակ Գուրբազ Սամիկիձեի գլխավորած պատվիրակությունը Իրանում էին Վրաստանի խորհրդարանի պատգամավորներ Ռուսլան Պողոսյանը, Շալվա Կիկնավելիձե, Փրիդոն Սիդվարուիձե, Միրիան Ծիկլաուրի, Ալի Մահմեդովը եւ Նուգար Ծիկլաուրին:

ԻՐԱՎԱԿԱՆ



ԱԼԻՄԵՆՏԸ ԵՎ ԴՐԱ ՅԵՏ ԿԱՊՎԱԾ ԸՆԹԱՑԱԿԱՐԳԵՐԸ

Ի՞նչ է ալիմենտը (սննդավճար), ո՞ւմ է այն տրվում եւ, ինչպիսի՞ն է ալիմենտի ստացման ընթացակարգը: Այս եւ մյուս հարցերով «Վրաստանի» թղթակիցը գրուեց արդարադատության նախարարության կատարման ազգային բյուրո ՅԻԻԱ-ի ղեկավար Սարինա Փարցվանիայի հետ:

- Ելնելով նրանից, որ կատարման բյուրո մուտք է գործում ալիմենտի վերաբերյալ բավական թվով գործեր, գտնում եմ՝ նշանակալից կլինի բնակչությանը եւ թերթի ընթերցողներին պարզաբանումներ ներկայացնել, թե ի՞նչ է նշանակում ալիմենտ եւ, ինչպե՞ս է իրականացվում դրա հանձնման ընթացակարգը:

- Նախ, պարզաբանենք հասկացությունը, թե ի՞նչ է նշանակում ալիմենտ, ո՞վ է հանդիսանում պարտապանը եւ, ո՞վ է պարտատու: Պարտապանն այն անձն է, ով իրավասու է երկրորդ կողմից՝ պարտատուից պահանջելու ալիմենտի վճարումը: Պարտատունն այն անձն է, ում պարտադրվում է պարտապանին վճարել ալիմենտը:

Ի՞նչ է ալիմենտը: Ալիմենտը դա դրամական գումար է, որն ընտանիքից հեռացած անձը պարտադիր կարգով վճարելու է իր ընտանիքի անաշխատունակ կամ անչափահաս անդամներին: Օրինակ՝ զավակներին, ծնողներին, կնոջը (ամուսնուն): Եթե հայրը իր երեխային կամավոր ալիմենտ չի վճարում, եւ երեխայի մայրը դատարանին հայց է ներկայացնում, որը բավարարվում է, ապա պարտապանին (տվյալ պարագայում՝ երեխայի մորը) դատարանի որոշմամբ վերապահվում է ալիմենտ ստանալու իրավունքը:

- Ի՞նչ կարող է կատարվել, եթե պարտատուն (երեխայի հայրը) խուսափի այդ պարտավորության կամավոր կատարումից:

- Միանգամից ասենք, որ պարտատուի կողմից ալիմենտի վճարումից խուսափումը հանգեցնում է քրեական պատասխանատվության:

վության: Եթե, չնայած քրեական պատասխանատվության, հայրը խուսափում է դատարանի կողմից սահմանված ալիմենտի վճարումից, ապա պարտապանը իրավասու է դիմելու կատարման ազգային բյուրոյին, որն էլ մրան կօգնի սահմանված գումարի ստացման գործում:

- Ինչպե՞ս է իրականացվում որոշման կատարումը եւ, ի՞նչ ընթացակարգ է իրականացվում:

- Նրանից հետո, երբ պարտապանը կատարման ազգային բյուրոյին ներկայացնում է դիմում եւ այդ դիմումը գրանցվում է, սկսվում է գործի կատարման ընթացակարգը:

- Ի՞նչ փաստաթղթեր են պահանջվում կատարման ընթացակարգն սկսելու համար:

- Կատարման գործողություններն սկսելու համար կատարման ազգային բյուրո պետք է ներկայացվեն հետևյալ փաստաթղթերը՝ դիմում, դատարանի որոշումը (վավերացված պատճենը), կատարման ձեւաչափը (բնագիրը), դիմորդի անձը հաստատող փաստաթուղթը, երաշխավորագիրը (բնագիրը), բանկային ռեկվիզիտները, թե ո՞ր հաշվում է փոխանցվելու ալիմենտի գումարները: Միաժամանակ նշենք, որ ալիմենտի հետ կապված գործերի համար պարտապանը ազատվում է կատարողին նախավճարի մուծումից: Կատարման սակագինը կատարողներն ստանում են պարտատուից ներկայացված գումարի եւ տոկոսի չափով:

- Ի՞նչ ընթացակարգ է իրականացնում կատարման ազգային բյուրոն ալիմենտի պահանջի վերաբերյալ մուտք գործած գործերի կապակցությամբ:

ծերի կապակցությամբ:

- Ալիմենտի վճարումը վերաբերում է անհապաղ կատարման ենթակա որոշումների կատեգորիային եւ, հետևաբար, կատարողը, որին հանձնարարվում է ալիմենտի գործի կապակցությամբ կոնկրետ հարցը, պարտավոր է առաքել դիմում ալիմենտի կամավոր վճարման անհապաղ կատարման առաջարկությամբ: Եթե պարտատուն անհապաղ չի կատարում իրեն վերապահվող պարտավորությունը, ապա կատարողը դիմում է հետևյալ պարտադիր գործողություններին՝ պարտատուն գրանցվում է «պարտատուների ռեեստրում», ինչը հանգեցնում է օրինական իրավունքների սահմանափակման, իրականացնում է պարտատուի գույքի գրանցումը, ապա՝ դրա կալանքը, գնահատումը: Գնահատումից մեկ ամսվա ընթացքում անցկացվում է պարտադիր վաճառքը, եւ պարտատուի ունեցվածքը վաճառվում է: Վաճառքից ստացված գումարը փոխանցվում է կատարման բյուրոյի դեպոզիտային հաշվի վրա, որից ֆինանսավորվում է կատարման սակագինը, եւ ալիմենտի գումարը փոխանցվում է պարտապանի կողմից ներկայացված բանկային հաշվի վրա:

Նշենք, որ ալիմենտների տրման հետ կապված գործերի կապակցությամբ պետք է հաշվի առնվեն հետևյալ հանգամանքները՝ ալիմենտի հետ կապված գործերի վրա ժամանակի տեսողությամբ գործոնը չի ազդում, ալիմենտի վճարումը սահմանվում է հայցի ներկայացումից մինչև երեխայի չափահաս դառնալը, ալիմենտի վճարման պահանջը կարող է իրականացվել կատարման ձեւաթղթի ներկայացումից առնվազն երեք տարվա ընթացքում:

- Ո՞ր դեպքերում է ընդհատվում ալիմենտի հետ կապված գործը:



- Եթե պարտապանը հրաժարվում է իր ներկայացրած հայցից կամ այն դեպքում, եթե կողմերից մեկը (կամ պարտապանը կամ պարտատունը) վախճանվում է: Նման պարագայում ալիմենտի հետ կապված գործն ընդհատվում է:

- Ի՞նչ գործողություններ են իրականացվում այն դեպքում, եթե ալիմենտի պարտատուի գտնվելու վայրը անհայտ է:

- Այն դեպքում, եթե պարտատուի գտնվելու վայրը չի հաստատվում կամ նա հատուկ խուսափում է ալիմենտի վճարումից, նրա նկատմամբ հայտարարվում է փնտրություն:

- Տիկին Սարինա, ինչպե՞ս է գործում կատարման բյուրոն եւ, եթե պարտատուն գտնվում է արտասահմանում:

- Ցավոք, նման դեպքերում, ստիպողականորեն ալիմենտի գումարի վճարումը դառնում է անհնարին, քանի որ պարտատուի փնտրությունը իրականացվում է միայն Վրաստանի տարածքում:

ՀԱՐՑԱԶՈՒԹՅՑ

ԿԵՆՂԱՆԻՆԵՐԻ ԱՐՅԵՍՏԱԿԱՆ ԲԵՂՄԱՎՈՐՈՒՄ. ԱՎԵԼԻ ԿԱԹ, ԱՎԵԼԻ ՄԻՍ ՈՒ ԱՎԵԼԻ ՇԱՏ ԵՎԱՄՈՒՏ

Նիւնոսիմոնայի շրջանում սկսվել է կովերի ու խոզերի մթերատվության համար արհեստական բեղմնավորման միջոցով նոր, ժամանակակից սարքավորումների եւ եվրոպական մի շարք երկրներում մեծ համբավ ունեցող կովերի ցեղատեսակների գենետիկ նորամուծությունների կիրառումը: Ինչպե՞ս է ընթանում այս նոր, կարելու գործը: Այս հարցով մենք դիմեցինք այդ գործի նախաձեռնող Սուսիկո Ամիրխանյանին:

- «Վրաստանի» ընթերցողները լավ գիտեն, որ մեր, Նիւնոսիմոնայի շրջանի բնակչության մեծ մասը զբաղվում է անասնապահությամբ: Մեր արտադարձերի լայն տարածքների պայմաններում մեծ է էկոլոգիապես մաքուր մսի ու կաթի ստացման ներուժը, սակայն գործնականում գյուղատնտեսական կենդանիների խնամքը ոչ այնքան եկամտաբեր զբաղմունք է: Ավելի մեծ քանակությամբ կաթ ու միս ստանալու համար անհրաժեշտ է ժամանակ առ ժամանակ նորացնել կենդանիների ցեղատեսակը: Մինչև վերջին ժամանակներս կենդանիների ցեղատեսակի փոխելը բավականին բարդ գործ էր: 2015 թվականի մայիսից Նիւնոսիմոնայում սկսեց գործել խոշոր եղջերավոր անասունների եւ խոզերի արհեստական բեղմնավորման ծառայությունը:

- Ինչպե՞ս ծագեց այդ ծառայության բացման գաղափարը:

- Թբիլիսիում գործող «Կովկասյան գենետիկա» ընկերության հետ ձեւակերպեցի պայմանագիր, որի հիման վրա ձեռք բերեցի անհրաժեշտ տեխնիկան ու գենետիկ նյութեր:

- Ո՞ր ցեղատեսակի կովերի մասին է խոսքը:

- Դրանք ամերիկյան եւ եվրոպական կովերի նոր «Շվից», «Ջելսի», «Նուշտեյն» տեսակներն են: Տեղական կովերի հետ սելեկցիայի միջոցով կարելի է ստանալ խոշոր եղջերավոր անասունի տեսակներ, որոնք կարող են հարմարվել տեղական պայմաններին եւ աչքի կընկնեն բարձր մատվությամբ ու կաթնատվությամբ: Մի խոսքով, մեզ հարկ է ուղղակի բարելավել տեղական տեսակը, որպեսզի նրանից ստացվի ավելի շատ միս, կաթ եւ ավելի շատ եկամուտ:

Մայիսի վերջերից մինչ օրս Նիւնոս-

միոնայի մուցիցիպալիտետում անցկացվել են 40 կովերի եւ 50 խոզերի արհեստական բեղմնավորումը: Առաջին արդյունքն ի հայտ կգա սեպտեմբերին, երբ կծննդաբերեն առաջին բեղմնավորվածները: Մի կովի բեղմնավորման գինը 50 լարի է, իսկ խոզինը՝ 70: Այն դեպքում, եթե առաջին փորձից հետո բեղմնավորումը չի հաջողվում, ապա երկրորդ փորձի համար ցուցաբերվող սպասարկումն անվճար է: Եթե երկրորդ փորձի դեպքում էլ անհաջողություն է լինում, ապա ակնհայտ է, որ կենդանին բուժման կարիք ունի:

- Ի՞նչ եք անում բնակչության շրջանում նորամուծության տարածման ուղղությամբ:

- Կենդանիների արհեստական բեղմնավորման հնարավորության մասին լուրը մենք տեղի բնակչությանը հասցնում ենք բնակավայրերում անցկացրած հանդիպումների միջոցով: Այս հարցում «Վրաստանը» եւս, այս հարցազրույցի հրապարակմամբ, նշանակալի ավանդ է ներդրում: Շնորհակալություն, ձեզ:

Թեպետ նշենք, որ բնակչության շրջանում կենդանիների արհեստական բեղմնավորման նկատմամբ վերաբերմունքը միանշանակ չէ:

- Ինչո՞ւ:

- Օրինակ, Դիլիֆ գյուղի բնակիչների խոսքերով, իրենք տեղեկացված չէին, որ Նիւնոսիմոնայում հնարավոր է անցկացնել արհեստական բեղմնավորում: Նրանք այդ մասին չէին լսել ու տեղյակ չէին: Ասում էին, որ, իբր, եթե մեր կովերը արհեստականորեն բեղմնավորվեն, նրանք չեն կարողանա ծնել հորթեր, քանի որ տարիքով են:

Իսկ մենք, մինչև բեղմնավորումը անցկացնում ենք ստուգման եւ կենդանիների ընտրության գործընթացը եւ դեպքեր, երբ կենդանիները չեն կարո-

ղանում դիմանալ բեղմնավորմանը, գրեթե չեն լինում:

Նախկինում՝ խորհրդային ժամանակներում կովերի արհեստական բեղմնավորում հաճախ էր կատարվում, թեպետ փուլունից հետո այն դադարեցվեց, քանի որ չկային ոչ պայմաններ, ոչ հնարավորություններ: Յիմա ֆերմերների համար լավ հնարավորություն է ծագել, որպեսզի փոխեն կենդանիների ցեղը ու ստանան լավ արտադրանք:

- Ե՞րբ սկսեցիք իրագործել այս գաղափարը:

- 2006 թվականից, երբ բացեցի «Անհատ ձեռնարկատեր Սուսիկո Ամիրխանյան» ձեռնարկությունը: Քանի որ իմ հիմնական գործունեությունը անասնաբուժական դեղորայքի, կերային հավելումների ու անվճար խորհրդատվությունների մատակարարումն է, հիմնական օբյեկտը անասնաբուժական դեղատոմսն է, որը գտնվում է Նիւնոսիմոնայ քաղաքի կենտրոնում: Եվս մեկ անգամ ընդգծենք, որ արհեստական բեղմնավորման կենտրոնը բացվել է իմ սեփական միջոցներով եւ այդ գումարներով էլ ձեռք էր բերվել անհրաժեշտ գույքը՝ հեղուկ ազոտի համար տարողությունները, շարժական սառնարանները, մյուս անհրաժեշտ գործիքները:

- Ֆերմերներից առաջարկություններ ստացվո՞ւմ են, թե՞ ոչ:

- Այո: Բնակիչներից հաճախ են ստացվում առաջարկություններ եւ նախաձեռնություններ՝ խոշոր եղջերավոր անասունների ու խոզերի արհեստական բեղմնավորման ոլորտում տեղական ֆերմերներին օգնություն ցուցաբերելու հարցերով: Կրկնենք, որ մեր հիմնական նպատակը գյուղատնտեսական բիզնեսի զարգացումն է, բարձրորակ մթերքի՝ մսի ու կաթի ստացումը, սկզբնական փուլում զգալի արդյունքների ապահովումը եւ, վերջին հաշվով, բիզնեսի հետագա զարգացումը:

ԲՈՐԻՍ ԴՍՐԱՅԱՆ

Նիւնոսիմոնայ

ՀԱՊՈՐԿԱՑՈՒԹՅՈՒՆ

ԹՎԱՅԻՆ ՅԵՌԱՐՁԱԿՄԱՆ ԱՆՑՈՒՄ ԱՎԱՐՏՎԵՑ

Վրաստանում թվային հեռարձակման անցումն ավարտվեց: Յիչեցնենք, որ այն մեկնարկել էր հուլիսի 1-ին եւ ավարտվեց օգոստոսի 25-ին:



Ինչպես հայտարարեցին Վրաստանի էկոնոմիկայի նախարարությունում, նույնական հեռարձակումից թվայինին անցումը պայմանավորված էր 2006 թվականի ժնեւի պայմանագրով եւ բարեփոխումների իրականացմամբ Վրաստանը կատարում էր միջազգային պարտավորությունները: Թվային հեռարձակման ստացման համար բնակիչները պետք է ունենան հեռուստացույցեր կամ այսպես կոչված, «set-top boxes»՝ DVB-T2 չափորոշիչով: Բացի այդ, երաշխավորված ազդանշանի ստացման համար անհրաժեշտ է ունենալ տանիքին ամրացված մետրային-դեցիմետրային պլեհավաք: Առցիալպես անպաշտպան ընտանիքները, ում վարկա-միջային միավորները 70 հազարից պակաս են, նման սարքերը պետությունից ստացան անվճար:

Նույնականից թվային հեռարձակման անցումը դյուրացնելու նպատակով, մշակվել ու գործում են «set-top boxes» սարքի ձեռքբերման արտոնյալ պայմաններ: Համապատասխան համաձայնությունը ձեռք է բերվել Վրաստանի էկոնոմիկայի եւ կայուն զարգացման ու երկրի բանկային համակարգի հետ անցկացված բանակցությունների շնորհիվ:

Թբիլիսիում «Set-Top Box» սարքը արժե շուրջ 60 լարի:

Ինչպես նշեցին էկոնոմիկայի նախարարությունում, թվային հեռարձակման անցումը դրական նշանակություն ունի՝ ինչպես երկրի, այնպես էլ հեռուստաալիքների ու բնակչության համար:

«Նախ, թվային հեռարձակման անցումը ազդեցություն կգործի լրատվական բազմերանգության, ազատ խոսքի ու հեռուստատեսության հետագա զարգացման վրա: Օրինակ, մինչ այդ հեռուստատեսության մեկ հաճախականությամբ գործող հեռուստաալիքը առաջիկայում կտարածվի 15 թվային հեռուստաալիքների վրա: Դա, իր հերթին, ներկայումս գործող եւ հեռանկարային հեռարձակման կայաններին հնարավորություն կընձեռի տարածվել որչ Վրաստանի մասշտաբով: Իսկ բնակչությունը կստանա որակյալ հեռուստաալիքներ ստանալու հնարավորություն»,- ասված է նախարարության հաղորդագրությունում:

ՅՈՒՐԻ ԽՈՐԵՆՅԱՆ